

Nakon sprovedenog otvorenog postupka nabavke računarske opreme, u skladu sa članom 72. Zakona o javnim nabavkama („Službeni glasnik BiH“, broj: 39/14 i 59/22) i Odluke o dodjeli ugovora najpovoljnijem ponuđaču u predmetu javne nabavke računarske opreme za LOT 1 i LOT 2 broj:11-3-02-2417-2/23 od 13. 9. 2023. godine, zaključen je sljedeći

UGOVOR

O NABAVCI RAČUNARSKE I MREŽNE OPREME (Lot1 i Lot2)

između:

Ministarstva spoljne trgovine i ekonomskih odnosa Bosne i Hercegovine, Musala broj 9, 71000 Sarajevo (u daljem tekstu: Ugovorni organ), koje zastupa Staša Košarac, ministar

i

PROINTER ITSS d.o.o. Sarajevo, Zagrebačka 50, ID broj: 4202442080000 (u daljem tekstu: Dobavljač), kojeg zastupa Bojana Škrobić-Omerović, direktor.

Član 1. (Predmet)

- (1) Predmet ovog Ugovora je nabavka **nabavka računarske i mrežne opreme** za potrebe Ugovornog organa, JRJN oznaka i broj javne nabavke: Lot 1: 30200000-1 računarska oprema i potrepštine i Lot 2 32420000-3 mrežna oprema.
- (2) Ugovorni organ i Dobavljač su saglasni da ugovor realizuju prema definisanim uslovima iz ponude broj: 582/23 i 583/23 od 21. 8. 2023. godine.

Član 2. (Vrijednost ugovora)

- (1) Ukupna vrijednost ugovora iznosi 165.849,52 KM sa porezom na dodatnu vrijednost.
- (2) Lot 1 računarska oprema 65.895,59 KM sa PDV-om.
- (3) Lot 2 mrežna oprema 99.919,61 KM sa PDV-om.
- (4) Jedinične cijene iskazane su u ponudi Dobavljača. Cijene su fiksne i ne mogu se mijenjati.

Član 3.
(Isporuka, način i rok plaćanja)

- (1) Robe iz člana 1. ovog Ugovora se isporučuju **Lot 1** u roku 45 (četrdesetpet) dana, **Lot 2** u roku od 100 (stitinu) dana od dana obostranog potpisivanja ugovora i to na adresi sjedišta Ugovornog organa u ulici Musala br.9, 71 000 Sarajevo.
- (2) Ugovorni organ je dužan da nakon kvalitativnog i kvantitativnog prijema i instalacije, Dobavljaču plati cijenu, utvrđenu Ponudom Dobavljača, u roku od petnaest dana od dana ispostavljanja fakture.

Član 4.
(Garancija i period trajanja ugovora)

- (1) Garancija za predmetnu robu je za Lot 1 36 mjeseci za Lot 2 12 mjeseci od momenta instalacije i stavljanja u funkciju.
- (2) U toku garantnog roka, u slučaju kvara opreme, odziv je u roku četiri (4) sata od poziva, a maksimalno vrijeme otklanjanja kvara je jedan (1) radni dan.
- (3) Uslučaju da se u garantnom roku ne može otkloniti kvar, dobavljač je dužan obezbijediti zamjenu opreme u skladu servisnom garancijom.
- (4) Ovaj Ugovor se zaključuje do perioda trajanja garancije proizvođača robe za isporučenu robu.

Član 5.
(Garancija za dobro izvršenje ugovora)

Ponuđač je u obavezi deset dana nakon obostranog potpisivanja ovog Ugovora dostaviti bankarsku garanciju za uredno izvršenje ugovora u obliku безусловne bankarske garancije u iznosu od 5% od vrijednosti ugovora bez PDV-a s klauzulom plativo na prvi pisani poziv korisnika garancije i bez prava prigovora, sa rokom važnosti, rok izvršenja ugovornih obaveza (isporuka i instalacija opreme) + 30 dana.

Član 6.
(Viša sila)

- (1) Ukoliko poslije zaključenja ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom rokovi izvršenja obaveza se produžavaju za vrijeme trajanja više sile.
- (2) Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u ugovoru i koji nisu mogli biti spriječeni od strane pogođene višom silom.
- (3) Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i sl.
- (4) Strana u ugovoru pogođena višom silom odmah u pisanoj formi obavještava drugu ugovornu stranu o nastanku nepredviđenih okolnosti i dostaviti odgovarajuće dokaze.

Član 7.
(Primjena zakona)

Za sve što nije regulisano ovim ugovorom primjenjuju se odredbe zakona koji reguliše obligacione odnose, kao i drugi propisi koji propisuju ovu materiju.

Član 8.
(Rješavanje sporova)

Sve eventualne sporove proistekle iz ovog ugovora, ugovorne strane rješavaju sporazumno, a ako sporazum ne bude postignut, nadležan je Sud Bosne i Hercegovine u Sarajevu.

Član 9.
(Završne odredbe)

- (1) Ugovor je punovažan i proizvodi pravno dejstvo nakon što ga potpišu obje Ugovorne strane.
- (2) Ugovor je sačinjen u četiri istovjetna primjerka, od kojih svaka ugovorna strana zadržava po dva primjerka.

Broj: 11-3-02-2417-6 /23
Datum: 13. 10. 2023. godine

Za Ugovorni organ:

Staša Košarac, ministar



Za Dobavljača:

Bojana Škrobić-Omerović, direktor



Broj: 780/23

Datum 06. 11. 2023. god.